



UNIVERSITÄTS-
BIBLIOTHEK
PADERBORN

Universitätsbibliothek Paderborn

Petri Danielis Huetii Demonstratio Evangelica

Huet, Pierre Daniel

Parisiis, 1679

VI. de virtutibus Jesu;

urn:nbn:de:hbz:466:1-16260

PROPOSITIO III.

Christi prodigiis. XX. De virtutibus Christianorum. XXI. De Christiana Religionis incrementis, & Christianorum martyriis. XXII. Christo Jesu divini honores tributi ab aliquibus Romanorum Imperatoribus. XXIII. Defenditur adversus Casaubonum Lampridii testimonium de Templis Jesu Christo ab Hadriano exstructis. Πολεμος. I. Jesus est Messias.

Probatur ex confessis Scriptorum Novi Testamenti & suffragiis exterorum, veraces esse historias.

I. **V**erax ea est historia, quemadmodum sciscit Axioma secundum, quæ res gestas ita narrat, uti narrantur in multis libris coetaneis, vel ætati propiorum Novi Testamenti, qui res gestæ sunt. Scriptæ autem in Novo Testamento historiæ sunt ejusmodi. Facilis est assumptionis hujus probatio. Cum enim coetaneos esse constet Novi Testamenti scriptores, & singulis illius historiæ paucis quibusdam exceptis, non ab uno aliquo ex illis, sed ab omnibus uno confidu traditæ sint; puta quæ Matthæus de Christi morte scripsit, à Marco eadem, & à Johanne, & à Paulo scripta sint, qui Matthæo coetanei fuerunt; plane fatendum est scriptis in Novo Testamento historias, ita narrare res gestas, uti narrantur in multis libris coetaneis. Verum ad pleniorum Propositionis hujus assertiōnem, Ethnorum etiam, qui extatis hujus proximi fuerunt, aliorumque qui differerunt à Christians, testimonio pugnabimus. Minime vero ad id necesse est singula Jesu, Apostolorum Acta repetere, vel alio etiam pertinentes Novi Testamenti historias persequi, quod ab Eusebio factum est: nos illuſtriora tantum Christi, Christianorumve gesta ac casus hac tratione complectemur, ut pote quorum præcipue controverſa est fides, & ex quorum confirmatione reliquorum probatio consequitur.

de Johanne Baptista, Jacobo fratre Jesu, Jesu ipso, & aliis in Novo Testamento commemoratis;

II. Ac primum Johannem cognomento Baptistam Judæos ad virtutem & pistatem adhortationibus excitasse, aquæ lavacrum dimitendis peccatis adhibuisse, multos ad se allexisse, & ab Herode demum caesum fuisse, testis est Josephus uterque, Marthiades, & Gorianides. Meminit ille quoque Jacobi fratri Christi Jesu, Christique adeo ipsius, ut mox demonstrabo fuisse; meminit Quirinii, Pontii Pilati, Festi, & Felicis; meminit Caiphæ; meminit Johannis, & Alexandri, quorum nomina capit Auctorum quarto Lucas inseruit; meminit Herodis, Herodiadis, & Agrippæ, in iisque commemo randis Novo Testamento consentit.

iterum de Jesu, Joseph, Antiqu. lib. 20, cap. 8. Sueton. in Claud. cap. 25.

III. Iisdem temporibus vixisse in Judea virum quendam, nomine Jesum, nemo, opinor, tam obduœ frontis est qui infiniti ausit, neque tot retro saecula exitit quisquam qui negaret. Si quis fecerit tamen, os ei occludet Josephus; tum Ethnici insignes, Suetonius, Tacitus, Plinius Junior, Porphyrius, Phlegon Trallianus, Celsus, Numenius, Lucianus; item Trajanus, Antoninus Pius, & Marcus Philosophus, alii que sexcenti.

tum de eius paria, & parentibus; Cels. apud Orig. cont. Cels. lib. 1.

IV. Viculo terræ Judææ ortum fuisse Jesum, paupercula puella, fabri materiae uxore, viatum opera sua queritante natum, in Ægyptum profugisse agnoscit Celsus Christiani nominis hostis infensissimus. Bethlehemi natum probant Tabulae Centrales Romanorum, ad quas provocabat Justinus in Apologia secunda, & Tertullianus sepe adversus Marcionem, & Chrysostomum. Professio illa, quam in Augusti cenu fu ediderunt Josephus, & Maria Jesu mater, ac Jesu ipse infans, in tabulas diligenter relata est, tabulae ipsæ in archivis aſſervatae sunt, neque earum fidem tam confidenter appellassent vetusti illi Christianæ doctrinae defensores, nisi perspectam eam probe & exploratam habuissent. Quo validissimum sane veritatis argumentum continetur. Præterea spelunca, in qua Jesum filium peperit Maria, ab ipsis Christianæ Religionis adverfaris ſequenti aeo Bethlehemi ostendebatur, & in ea fuisse Jesu Christianorum doctoris ac magistri cunabula prædicabant. Testis Origenes in libris contra Celsum: testis & Eusebius, qui sua ætate idem fieri solitum narrat ab incolis loci, fama ipsis à majoribus tradita. Itaque locum hunc templo Helena mater, donaris Constantinus filius decorarunt. Atque hinc etiam ad fedem in eo figendam, ejusque sanctitatem per Epifolas celebrandam invitatus est Hieronymus. Nec illic Jesum in lucem editum negant Judæi: imo id ultro agnoscit R. David Ganz in Germino Davidis.

Euseb. Dem. libr. 7. cap. 2.

V. Novum fidus post Christum natum apparuiſſe, ad eumque Magos veniſſe, non diffidetur Julianus, sed ad causas naturales stellæ ortum accommodare studet. Atrox Herodii adverſus infantes, siūmque adeo filium favitiam memorabiliter dicto Augustus proscutus est, *Prestare Herodis porcum esse, quam filium.* Auctor Macrobius in Saturnalibus, cuius verba suo loco accuratius expendemus.

de nova stella Magis visa, & de infantibus at Herode occisis; Macrobius, Saturn. lib. 2, c. 4.

VI. Prophetam fuisse Jesum, futuraque ab eo cognita & prædicta tradidit in Chronicis Phlegon, Hadriani Imperatoris libertus. Edita ab ipso prodigia confessi sunt inſi-

PROPOSITIO III.

25

Ebræi proceres, Thalmudici conditores operis, nec tetrici Christi adversarii inficiati fuit, Celsus, & Julianus, quorum ille, cum rem negare non posset, falsam rei caussam commentus est, incantamenta scilicet & præstigias, hic rem non negat, sed verbis elevare studet. Profligatam à Jesu, & coercitam vim Dæmonum queritur Porphyrius; ubi non mirum esse ait peite urbes vaftari, unde Aesculapius, aliquis Dii excesserint; quippe post admisum Jesu cultum nihil Deos hominibus vulgo prodeße.

Talm. Part. 4.
libr. 6. Abodat
Eliam. cap. 1.
Cels. apud
Orig. contr.
Cell. libr. 1.
Julian. apud
Cyril. libr. 6.
contr. Julian.
ejusq; mortis

VII. Mortem vero Christi quod attinet, tot eam monumentis, tam claris & insignibus consignataam reperies, nihil ut certius & manifestius memoria vetus tradidit. Commemorabilis in eam rem Taciti testificatio, qua cum à Nerone Christianos exquisitos affectus supplicii dixisset, hæc addit: *Anctor nominis ejus Christus, qui Tiberio imperitante per Procuratorem Pontium Pilatum supplicio affectus erat.* Hinc Christus, avonodos, à Græcis appellatur: à Judæis vero usitato nomine, *נָסְפֵן, Suspensus;* & Christiani, *שְׁבִידַתְלִי, Cultores Suspendi.* Et in Thalmudico libro Sanhedrin legitur: *בערֶב, פֶּסַח תְּלָאָרוּ לִישָׁם.*

Tacit. Ann.
libr. 15.

VIII. Mirabilis illa Solis defectio, & ingens terræ motus, quæ moriente Christo contigerunt, itidem narrantur à Phlegonte illo supra laudato, libro Olympicorum Chronicorum decimo tertio: *τῷ δὲ τρίτῳ οὐδὲ ὅλως πιθαῖσθαι ἐφέστη ἐπλευτὶς ἡλίου, τερρα μοτοῦ, μετὰ τῆς ἐγνωστομένων περάσεων, καὶ τοῦ ὅρα τὸν ἡμέρας ἐγένετο, ὥστε καὶ αὔρας εἰναὶ que moriente ἐγένετο φανῆναι σεισμός τε μεταξὺ τῶν Εὐρωπίων ἥμερων ταῦτα νικήσας πυτετέλεστο.* Quæ *Isaia* contingit verit Hieronymus: *Quarto autem anno ccii Olympiadis (is est scilicet Tiberii decimus octavus, qui annus Christi emortalis fuit) magna & excellens inter omnes quæ ante eam acciderant, defectio Solis facta.* Dies hora sexta ita in tenebrosum noctem versus, ut stelle in celo vise sint, terraque motus in Bithynia Nicæa urbis multas ades subverterit. Atque hæc ipfa in aliis Ethniconum commentariis repertæ testatur in Chronicis Eusebii, testantur & alii. Quos inter præcipua est Thalli auctoritas, quem libro Historiarum suarum tertio eamdem Eclipsem memorasse prodidit insignis temporum mætator Africanus. Eamdem autem notari & in Evangelistis, & in Phlegonte historiam tria ostendunt potissimum; quod in eundem annum utraque incidat, annum nempe Tiberii decimum octavum; quod eadem dici hora contigerit utraque, sexta nimurum; & quod insignis terræ motus utriusque admirabilitatem vehementer auxerit. Merito itaque Christianorum caussam apud Ethnicon agens in Apologetico Tertullianus, miraculi huius testes citat tabularia ipsorum & publica instrumenta, five quæ à Rectis Provinciarum, five quæ ex instituto Cæsaris conficiebantur, in que diurna referebantur Acta Populi & Senatus. *Eodem momento, inquit, dies medium orbem signante Sole subducta est; deliquum putaverunt qui id quoque super Christo prædicatum non sciabant, & tamen cum mundi casum relatum in Archibiosis vestris habetis.* Archiva eadem jam ante Nicomediae coram Præside citaverat Lucianus Antiochenus martyr, cum dicaret: *Consultite Annales vestros, invenietis Pilati temporibus, dum pateretur Christus, media die fugatum Solem, & interruptum diem.* Hoc Annalium nomine Acta publica sæpe notantur apud Historie Augustæ Scriptores. Accuratissima vero & attentissima observatione dignum est, quod habet nupera Sinensis Historia Hadriani Greflonii, adnotasse Sinas in rerum suarum monumentis, ad id tempus, in quod annum ætatis Christi tricesimum secundum nos Christiani conferimus, circa mensem Apriliem, solare deliquum præter ordinem naturæ & leges curriculis Astrorum præfixas contigisse: quæ rei novitate Quamvntum Imperatorem vehementer fuisse commotum.

Tertull. Apo-
log. cap. 21.

IX. Factum itaque est imprudenter à Kepplerio, viro aliquo candido, & Astro-nomica artis peritissimo, & contra ac Christianum hominem decuit, cum memora-tam illam à Phlegonte Solis Eclipsem in annum secundum rejecit Olympiadis ccii, diem vero Novembris mensis vicefimum quartum. Nihilo magis ferri potest Gerardi Vossii, optimi itidem viri & eruditissimi ratio, cum aliam à Phlegonte notari vult Eclipsem, quam quæ in Evangelii descripta est. Cujus opinionis has caussas afferit. Phlegon, inquit, hanc Eclipsem pro naturali habuit. Unde id collegerit, non addit. At deceptum eum, perinde ut alios eximias eruditio[n]is viros, verisimile est vocabu-lo Eclipsi, quod naturalem duntaxat sideris defectum significare rati sunt. Id quantum à vera ratione repulsum sit mox ostendero. Scriptit quidem Origenes non adnotasse Phlegontem plenilunio casum hunc contigisse. At neque interlunio factum id adnotavit. Quare rem in medio reliquit. At longe altera verba Phlegontis interpreta-tus est Africanus: *φλέγων, inquit, ιστοὶ τοῖς πλεύσεις κροταρεῖς εἰν τανταλίῳ ἐλεγούν ἡλίος γεγονέναι.* Narrat Phlegon imperante Tiberio Cesare Solis Eclipsem plenilunio contigisse. Hæc extant in Chronographia Georgii Syncelli, Philoponus quoque, libro secundo De mundi creatione, Phlegontis testimonium longe alius conceptum verbis representat ac Eusebius. *τότε τὸ σκότος, inquit, μᾶλλον δὲ τὸ νυκτὸς παύτης καὶ φλέγων εἰν τῷ ὀλυμπίᾳ εἴσηδε.*

Refellatur
nonnulli qui
hanc Ecli-
psim, & kunc
terra motum
esse negant ea
qua à Phle-
gonte notata
sunt.
Keppl. in Ec-
clog.
Voss. Harm.
Evang. libr. 2,
cap. 10.
Origen. in
Matth.

D